

## 四書讀本節要

### ◎大學分類

(甲) 經——總論

(一) 三綱

- 1 大學之道。在明明德。在親民。在止於至善。
- 2 知止而後有定。定而後能靜。靜而後能安。安而後能慮。慮而後能得。

(二) 八條

- 1 物有本末。事有終始。知所先後。則近道矣。
- 2 古之欲明明德於天下者。先治其國。欲治其國者。先齊其家。欲齊其家者。先脩其身。欲脩其身者。先正其心。欲正其心者。先誠其意。欲誠其意者。先致其知。致知在格物。
- 3 物格而後知至。知至而後意誠。意誠而後心正。心正而後身脩。身脩而後家齊。家齊而後國治。國治而後天下平。
- 4 自天子以至於庶人。壹是皆以脩身為本。其本亂而末治者否矣。其所厚者薄。而其所薄者厚。未之有也。

(乙) 傳——分釋

(一) 釋三綱領

- 1 君止於仁。臣止於敬。子止於孝。父止於慈。交止於信。
- 2 道學。自脩。威儀。道盛。德至善。
- 3 君子賢其賢而親其親。小人樂其樂而利其利。

(二) 釋八條目

- 1 所謂誠其意者。毋自欺也。故君子必慎其獨也。
- 2 曾子曰。十目所視。十手所指。其嚴乎。富潤屋。德潤身。心廣體胖。故君子必誠其意。
- 3 身有所忿懣。有所恐懼。有所好樂。有所憂患。則不得其正。
- 4 心不在焉。視而不見。聽而不聞。食而不知其味。
- 5 好而知其惡。惡而知其美。
- 6 治國必先齊其家者。其家不可教。而能教人者。無之。孝者。所以事君也。弟者。所以事長也。慈者。所以使眾也。康誥曰。如保赤子。心誠求之。雖不中。不遠矣。

7 一家仁。一國興仁。一家讓。一國興讓。一人貪戾。一國作亂。其機如此。此謂一言僨事。<sup>3</sup>  
一人定國。是故君子有諸己而後求諸人。

8 上老老。而民興孝。上長長。而民興弟。上恤孤。而民不倍。是以君子有絜矩之道也。民之所好好之。民之所惡惡之。此之謂民之父母。

9 道得眾則得國。失眾則失國。是故君子先慎乎德。有德此有人。有人此有土。有土此有財。有財此有用。德者本也。財者末也。外本內末。爭民施奪。是故財聚則民散。財散則民聚。惟善爲寶。仁親爲寶。

10 君子有大道。必忠信以得之。驕泰以失之。生財有大道。生之者眾。食之者寡。爲之者疾。用之者舒。則財恆足矣。

11 未有上好仁而下不好義者。未有好義。其事不終者也。此謂國不以利爲利。以義爲利也。

(附)

1 致知在格物。

## ◎中庸分類

(甲) 總論

1 天命之謂性。率性之謂道。脩道之謂教。道也者。不可須臾離也。可離非道也。

2 喜怒哀樂之未發。謂之中。發而皆中節。謂之和。中也者。天下之大本也。和也者。天下之達道也。致中和。天地位焉。萬物育焉。

### (乙) 道之明行

#### (二) 論君子能知道行道

1 子曰。舜其大知也與。舜好問而好察邇言。隱惡而揚善。執其兩端。用其中於民。其斯以為舜乎。

### (丙) 道之體用

1 君子之道。造端乎夫婦。及其至也。察乎天地。

#### (一) 道之體

1 子曰。道不遠人。忠恕違道不遠。施諸己而不願。亦勿施於人。子事父。臣事君。弟事兄。朋友先施。

2 庸德之行。庸言之謹。有所不足。不敢不勉。

3 言顧行。行顧言。

4 素富貴。行乎富貴。素貧賤。行乎貧賤。素夷狄。行乎夷狄。素患難。行乎患難。君子無

入而不自得焉。

5 上不怨天。下不尤人。故君子居易以俟命。

(二) 道之用

1 舜其大孝也與。德爲聖人。故大德。必得其位。必得其祿。必得其名。必得其壽。

2 夫孝者。善繼人之志。善述人之事者也。

3 行其禮。奏其樂。敬其所尊。愛其所親。事死如事生。

4 文武之政。布在方策。其人存。則其政舉。其人亡。則其政息。故爲政在人。取人以身。脩身以道。脩道以仁。

5 仁者。人也。親親爲大。義者。宜也。尊賢爲大。

6 君臣。父子。夫婦。昆弟。朋友之交也。五者。天下之達道也。知仁勇三者。天下之達德也。

7 子曰。好學近乎知。力行近乎仁。知恥近乎勇。知斯三者。則知所以脩身。知所以脩身。則知所以治人。知所以治人。則知所以治天下國家矣。

8 凡爲天下國家有九經。曰脩身也。尊賢也。親親也。敬大臣也。體群臣也。子庶民也。來百工也。柔遠人也。懷諸侯也。

- 9 脩身則道立。尊賢則不惑。親親則諸父昆弟不怨。敬大臣則不眩。體群臣則士之報禮重。  
子庶民則百姓勸。來百功則財用足。柔遠人則四方歸之。懷諸侯則天下畏之。  
10 凡事。豫則立。不豫則廢。  
11 不明乎善。不誠乎身矣。

(丁) 道與誠

- 1 誠者。天之道也。誠之者。人之道也。誠者。不勉而中。不思而得。從容中道。聖人也。  
2 誠之者。擇善而固執之者也。博學之。審問之。慎思之。明辨之。篤行之。  
3 人一能之。己百之。人十能之。己千之。果能此道矣。雖愚必明。雖柔必強。  
4 自誠明。謂之性。自明誠。謂之教。誠則明矣。明則誠矣。  
5 唯天下至誠。爲能盡其性。  
6 至誠之道。可以前知。國家將興。必有禎祥。國家將亡。必有妖孽。禍福將至。善。必先知之。不善。必先知之。故至誠如神。  
7 誠者。物之終始。不誠無物。是故君子誠之爲貴。  
8 故至誠無息。不息則久。久則徵。徵則悠遠。悠遠則博厚。博厚則高明。博厚所以載物也。

高明所以覆物也。悠久所以成物也。

9 天地之道。博也。厚也。高也。明也。悠也。久也。

### (戊) 聖人之道之神化

1 君子尊德性而道問學。致廣大而盡精微。極高明而道中庸。溫故而知新。敦厚以崇禮。是故居上不驕。爲下不倍。國有道。其言足以興。國無道。其默足以容。詩曰。既明且哲。以保其身。其此之謂與。

2 非天子。不議禮。不制度。不考文。雖有其位。苟無其德。不敢作禮樂焉。雖有其德。苟無其位。亦不敢作禮樂焉。

3 君子動而世爲天下道。行而世爲天下法。言而世爲天下則。遠之則有望。近之則不厭。君子未有不如此。

4 道並行而不相悖。小德川流。大德敦化。

5 聰明睿知。足以有臨也。寬裕溫柔。足以有容也。見而民莫不敬。言而民莫不信。行而民莫不說。是以聲名洋溢乎中國。

6 唯天下至誠。爲能經綸天下之大經。立天下之大本。知天地之化育。

### (己) 結論

1 君子之道。闇然而日章。淡而不厭。簡而文。溫而理。知遠之近。知風之自。知微之顯。可與入德矣。

8

2 不動而敬。不言而信。不賞而民勸。不怒而民威。篤恭而天下平。

3 子曰。聲色之於以化民。末也。無聲無臭。至矣。

## ◎ 論語分類

### 卷一 孔子的言論

#### (甲) 關於道德的

1 子曰。苟志於仁矣。無惡也。

2 君子無終食之間違仁。造次必於是。顛沛必於是。

3 仁遠乎哉。我欲仁。斯仁至矣。

4 知者不惑。仁者不憂。勇者不懼。

5 有德者。必有言。有言者。不必有德。仁者。必有勇。勇者。不必有仁。

6 志士仁人。無求生以害仁。有殺身以成仁。

7 當仁。不讓於師。

8 務民之義。敬鬼神而遠之。可謂知矣。

9 君子可欺也。不可罔也。

10 克己復禮。

11 己所不欲。勿施於人。在邦無怨。在家無怨。

12 愛人。知人。舉直錯諸枉。能使枉者直。

13 居處恭。執事敬。與人忠。雖之夷狄。不可棄也。

14 克。伐。怨。欲。

15 工欲善其事。必先利其器。居是邦也。事其大夫之賢者。友其士之仁者。

16 孔子曰。能行五者於天下。爲仁矣。請問之。曰。恭寬信敏惠。恭則不侮。寬則得眾。信則人任焉。敏則有功。惠則足以使人。

17 父在觀其志。父沒觀其行。三年無改於父之道。可謂孝矣。

18 事父母幾諫。見志不從。又敬不違。勞而不怨。

19 朝聞道。夕死可矣。

20 吾道一以貫之。夫子之道。忠恕而已矣。

21 予一以貫之。

22 人能弘道。非道弘人。

23 我不欲人之加諸我也。吾亦欲無加諸人。

24 己所不欲。勿施於人。

25 德不孤。必有鄰。

26 中庸之爲德也。其至矣乎。

27 吾未見好德如好色者也。

(乙) 關於修養的

1 君子無所爭。

2 內省不疚。夫何憂何懼。

3 子曰。君子成人之美。不成人之惡。小人反是。

4 君子和而不同。小人同而不和。

5 君子泰而不驕。

6 脩己以敬。脩己以安人。脩己以安百姓。

7 君子義以為質。禮以行之。孫以出之。信以成之。君子哉。

8 君子病無能焉。不病人之不已知也。

9 君子謀道不謀食。憂道不憂貧。

10 畏天命。畏大人。畏聖人之言。

11 孔子曰。君子有九思。視思明。聽思聰。色思溫。貌思恭。言思忠。事思敬。疑思問。忿思難。見得思義。

12 行己有恥。使於四方。不辱君命。

13 見利思義。見危授命。

14 君子不重則不威。學則不固。主忠信。無友不如己者。過則勿憚改。

15 貧而樂。富而好禮。

16 士志於道。而恥惡衣惡食者。未足與議也。

17 見賢思齊焉。見不賢而內自省也。

18 知之者。不如好之者。好之者。不如樂之者。

19 子曰。德之不脩。學之不講。聞義不能徙。不善不能改。是吾憂也。

20 子曰。志於道。據於德。依於仁。游於藝。

21 子曰。三人行。必有我師焉。擇其善者而從之。其不善者而改之。

22 如有周公之才之美。使驕且吝。其餘不足觀也已。

23 子曰。主忠信。毋友不如己者。過則勿憚改。

24 君子恥其言而過其行。

25 子曰。過而不改。是謂過矣。

26 孔子曰。益者三樂。損者三樂。樂節禮樂。樂道人之善。樂多賢友。益矣。樂驕樂。樂佚遊。樂宴樂。損矣。

27 少之時。血氣未定。戒之在色。其壯也。血氣方剛。戒之在鬪。其老也。血氣既衰。戒之在得。

28 見善如不及。見不善如探湯。

29 子曰。道聽而塗說。德之棄也。

30 子曰。不知命。無以爲君子也。不知禮。無以立也。不知言。無以知人也。

### (丙) 關於處世的

1 子曰。不患人之不己知。患不知人也。

2 子曰。視其所以。觀其所由。察其所安。人焉廋哉。人焉廋哉。

3 非其鬼而祭之。諂也。見義不爲。無勇也。

4 子曰。篤信好學。守死善道。危邦不入。亂邦不居。天下有道則見。無道則隱。邦有道。貧且賤焉。恥也。邦無道。富且貴焉。恥也。

5 不在其位。不謀其政。

6 貧而無怨難。富而無驕易。

7 以德報怨。以直報怨。以德報德。

8 可與言而不與之言。失人。不可與言而與之言。失言。知者不失人。亦不失言。

9 人無遠慮。必有近憂。

10 躬自厚。而薄責於人。則遠怨矣。

11 巧言亂德。小不忍。則亂大謀。

12 子曰。眾惡之。必察焉。眾好之。必察焉。

13 君子亦有惡乎。子曰。有惡。惡稱人之惡者。惡居下流而訕上者。惡勇而無禮者。惡果敢而窒者。

### (丁) 關於教學的

1 子曰。學而時習之。不亦說乎。有朋自遠方來。不亦樂乎。人不知而不愠。不亦君子乎。

2 子曰。默而識之。學而不厭。誨人不倦。何有於我哉。

3 子曰。性相近也。習相遠也。

4 子曰。溫故而知新。可以為師矣。

5 子曰。有教無類。

6 子以四教。文。行。忠。信。

7 天何言哉。四時行焉。百物生焉。天何言哉。

8 辭。達而已矣。

9 知之爲知之。不知爲不知。是知也。

10 子曰。老者安之。朋友信之。少者懷之。（彌陀村）

11 子曰。吾十有五而志於學。三十而立。四十而不惑。五十而知天命。六十而耳順。七十而從心所欲。不踰矩。

12 述而不作。信而好古。

13 其爲人也。發憤忘食。樂以忘憂。不知老之將至云爾。

14 多聞。擇其善者而從之。多見而識之。

15 子曰。吾嘗終日不食。終夜不寢。以思。無益。不如學也。

16 學而不思。則罔。思而不學。則殆。

17 子曰。弟子。入則孝。出則弟。謹而信。汎愛眾。而親仁。行有餘力。則以學文。

- 18 子曰。君子食無求飽。居無求安。敏於事而慎於言。就有道而正焉。可謂好學也已。
- 19 好仁不好學。其蔽也愚。好知不好學。其蔽也蕩。好信不好學。其蔽也賊。好直不好學。其蔽也絞。好勇不好學。其蔽也亂。好剛不好學。其蔽也狂。

(戊) 關於詩及禮樂的

- 1 興於詩。立於禮。成於樂。
- 2 不學詩。無以言。不學禮。無以立。
- 3 子曰。詩三百。一言以蔽之。曰。思無邪。
- 4 子曰。恭而無禮。則勞。慎而無禮。則蕙。勇而無禮。則亂。直而無禮。則絞。君子篤於親。則民興於仁。故舊不遺。則民不偷。
- 5 子曰。上好禮。則民易使也。
- 6 子在齊聞韶。三月不知肉味。曰。不圖爲樂之至於斯也。

(己) 關於政治的

- 1 子曰。道千乘之國。敬事而信。節用而愛人。使民以時。
- 2 子曰。爲政以德。譬如北辰。居其所。而眾星共之。

3 臨之以莊。則敬。孝慈。則忠。舉善而教不能。則勸。

4 君使臣以禮。臣事君以忠。

5 民可使由之。不可使知之。

6 自古皆有死。民無信不立。

7 先有司。赦小過。舉賢才。

8 名不正。則言不順。言不順。則事不成。事不成。則禮樂不興。禮樂不興。則刑罰不中。刑罰不中。則民無所措手足。故君子名之必可言也。言之必可行也。君子於其言。無所苟而已矣。

9 子曰。其身正。不令而行。其身不正。雖令不從。

10 近者說。遠者來。

11 欲速。則不達。見小利。則大事不成。

12 子曰。以不教民戰。是謂棄之。

13 子曰。無爲而治者。其舜也與。夫何爲哉。恭己正南面而已矣。

14 惠而不費。勞而不怨。欲而不貪。泰而不驕。威而不猛。

15 不教而殺謂之虐。不戒視成謂之暴。慢令致期謂之賊。猶之與人也。出納之吝。謂之有司。

18

(庚) 關於批評人事的

1 邦有道則知。邦無道則愚。其知可及也。其愚不可及也。

2 君子之道四焉。其行己也恭。其事上也敬。其養民也惠。其使民也義。

3 晏平仲善與人交。久而敬之。

4 夫子時然後言。人不厭其言。樂然後笑。人不厭其笑。義然後取。人不厭其取。

5 丘也聞有國有家者。不患寡而患不均。不患貧而患不安。蓋均無貧。和無寡。安無傾。夫如是。故遠人不服。則脩文德以來之。既來之。則安之。遠人不服而不能來也。邦分崩離析而不能守也。而謀動干戈於邦內。吾恐季孫之憂。不在顛隳。而在蕭牆之內也。

6 敏而好學。不恥下問。

卷二 孔子的人格

(甲) 孔子的事蹟

- 1 俎豆之事。則嘗聞之矣。軍旅之事。未之學也。明日遂行。
- 2 道之將行也與。命也。道之將廢也與。命也。
- 3 丘也幸。苟有過。人必知之。
- 4 道不行。乘桴浮於海。
- 5 君子居之。何陋之有。
- 6 君子學道則愛人。小人學道則易使也。
- 7 子曰。富而可求也。雖執鞭之士。吾亦爲之。如不可求。從吾所好。
- 8 子曰。飯疏食。飲水。曲肱而枕之。樂亦在其中矣。不義而富且貴。於我如浮雲。
- 9 不怨天。不尤人。下學而上達。知我者其天乎。

### (乙) 孔子的生活態度

- 1 子之所慎。齊。戰。疾。
- 2 子不語。怪。力。亂。神。
- 3 子罕言利。與命。與仁。

4 唯酒無量。不及亂。

5 食不語。寢不言。

### (丙) 弟子時人對於孔子的評論

1 溫。良。恭。儉。讓。

2 天下之無道也久矣。天將以夫子爲木鐸。

3 知其不可而爲之者與。

4 往者不可諫。來者猶可追。

## 卷三 孔子的弟子

### (甲) 孔子對於弟子的批評

1 德行。言語。政事。文學。

2 過猶不及。

3 臨事而懼。好謀而成。

4 顏回。不遷怒。不貳過。

5 回也。其心三月不違仁。其餘。則日月至焉而已矣。

6 賢哉回也。一簞食。一瓢飲。在陋巷。人不堪其憂。回也不改其樂。賢哉回也。

7 成事不說。遂事不諫。既往不咎。

8 子曰。始吾於人也。聽其言。信其行。今吾於人也。聽其言。觀其行。

### (乙) 孔子弟子的言行

1 有子曰。其爲人也孝弟。而好犯上者鮮矣。不好犯上。而好作亂者。未之有也。君子務本。本立而道生。孝弟也者。其爲仁之本與。

2 禮之用。和爲貴。

3 有子曰。信近於義。言可復也。恭近於禮。遠恥辱也。因不失其親。亦可宗也。

4 曾子曰。吾日三省吾身。爲人謀。而不忠乎。與朋友交。而不信乎。傳不習乎。

5 慎終追遠。民德歸厚矣。

6 鳥之將死。其鳴也哀。人之將死。其言也善。

7 以能問於不能。以多問於寡。有若無。實若虛。犯而不校。昔者吾友。嘗從事於斯矣。

- 8 可以託六尺之孤。可以寄百里之命。臨大節而不可奪也。君子人與。君子人也。
- 9 士不可以不弘毅。任重而道遠。仁以爲己任。不亦重乎。死而後已。不亦遠乎。
- 10 君子以文會友。以友輔仁。
- 11 君子思不出其位。
- 12 曾子曰。上失其道。民散久矣。如得其情。則哀矜而勿喜。
- 13 子夏曰。賢賢易色。事父母。能竭其力。事君。能致其身。與朋友交。言而有信。雖曰未學。吾必謂之學矣。
- 14 死生有命。富貴在天。君子敬而無失。與人恭而有禮。四海之內。皆兄弟也。君子何患乎無兄弟也。
- 15 仕而優則學。學而優則仕。
- 16 子游曰。事君數。斯辱矣。朋友數。斯疏矣。
- 17 子貢曰。君子之過也。如日月之食焉。過也。人皆見之。更也。人皆仰之。
- 16 子張曰。士見危致命。見得思義。祭思敬。喪思哀。其可已矣。
- 17 君子尊賢而容眾。嘉善而矜不能。

(附錄) 論語所記雜事

1 萬方有罪。罪在朕躬。百姓有過。在予一人。謹權量。審法度。脩廢官。四方之政行焉。興滅國。繼絕世。舉逸民。天下之民歸心焉。所重民。食。喪。祭。寬則得眾。信則民任焉。敏則有功。公則說。

淨空法師專集網站(簡)製作